



МЕСЯЦА ФЕВРАЛЯ В 6-Й ДЕНЬ

Преподобнаго отца нашего Вукóла,
епископа Смирнскаго

На Господи, воззвах: **стихиры праздника,
глас 1.**



Подобен: Небесных чинов:

ворец всяческих и Избавитель наш / Материю Девую в церковь приносится, / темже старец, Сего прием, / с радостию зываше: / ныне отпускаеши раба Твоего, Блаже, с миром, / якоже избóлил еси.

Симеон, на руки от Девы прием / прежде всех век рожденнаго, / Спаса видех, вопияше: / просвещение Твоея славы концем; / ныне отпускаеши раба Твоего, Блаже, с миром, / яко видех Тя днесь.

Напоследок веков рождена на спасение человеков, / Симеон, понесый на руках Спаса, / радуясь, вопияше: / видех Свет языков и Славу Израиля, / ныне отпускаеши, якоже рекл еси, яко Бог, от сущих zde / велением Твоим.

Ины стихиры преподобнаго, глас 6.

Подобен: Тридневен:

Светом Богодетельных добродетелей / блистая, священнейше, / свет положился еси на свещнице таинственно Божественныя Церкви, / уясняя сию, отче, священными учения твоими.

Дух тя Святыи, Вукóле священне, освятив, / тобою святыню верою приступающим подаёт, Богонóсе, / и просвещение, и избавление.

Крайнюю благодать проповедавая Бóга нашего, / озлобленныя ублажаеши люди, мудре,

благодатно / приводя Спасу, яко священник священнейший.

**Слава, и ныне,
праздника, глас 5:**

Испытайте писания, / якоже рече во Евангелиих Христос Бог наш, / в них бо обретаем Того раждаема / и пеленами повиваема, / в яслех полагаема и млеко́м питаема, / обрезание прие́млюща и Симео́ном носима, / не мнением, ни привидением, / но истиною ми́рови явля́шася. / К Немуже возопи́м: / Превечный Бо́же, слава Тебе́.

Аще есть пост, Слава, и ныне, Богородичен; аще ли среда или пятък, Крестобогородичен (писаны сего́ мѣсяца в 11 день).

На стиховне стихиры, глас 2.

Подобен: Дóме Евфра́фов:

Носящи Чистая / и Пречистая Де́ва / Содетеля и Влады́ку / яко Младенца на руках, / в це́рковь вхо́дит.

Стих: Ны́не отпу́щаеши раба́ Твоего́, Влады́ко, / по глаго́лу Твоему́, с ми́ром.

Приими́, о Симео́не, / Го́спода сла́вы, / якоже извести́лся еси́ / от Ду́ха Свята́го: / се бо прииде.

Стих: Свет во открове́ние язы́ков, / и сла́ву люде́й Твои́х Изра́иля.

Ны́не ви́деша, / Благий Бо́же, о́чи мой / Твое́ обеща́ние: / разреши́ мя ско́ро, раба́ Твоего́, Чело- веколю́бче.

**Слава, и ныне, глас 5.
Германово:**

Вѣтхий дѣньми, младенствовав плóтию, / Материю Де́вою в це́рковь прино́сится, / Своего́ зако́на исполня́я обеща́ние, / Егóже Симео́н прии́м, глаго́лаше: / ны́не отпу́щаеши с ми́ром, по глаго́лу Твоему́, раба́ Твоего́, / ви́деша бо о́чи мой спасе́ние Твое́, Святы́й.

Тропа́рь, глас 4:

Прави́ло ве́ры и о́браз кро́тости, / воздержáния учите́ля / яви́ ты ста́ду тво́ему, / я́же веще́й исти́на, / сего́ ра́ди стяжа́л еси́ смире́нием высóкая, / нището́ю богáтая. / Отче Вуко́ле, / моли́ Христа́ Бо́га, / спасти́ся душáм на́шим.

Сла́ва, и ны́не, пра́здника, глас 1:

Рáдуйся, Благода́тная Богоро́дице Де́во, / из Тебе́ бо возсия́ Со́лнце Пра́вды, Христо́с Бог наш, / просвеща́яй су́щия во тьме. / Весели́ся и ты, ста́рче пра́ведный, / прие́мый во объ́ятия Свобо́дителя́ душ на́ших, / да́рующего́ нам воскресе́ние.

НА УТРЕНИ**По 1-й стихоло́гии седа́лен, глас 1.**

Подобен: Ка́мени запеча́тану:

В це́рковь прине́слся еси́ Жизньъ вся́ческих, / мене́ ра́ди младе́нствовав, / под зако́ном был еси́, / дре́вле начертáв на скрижа́лех зако́н на горе́ Сина́стей, / да вся измени́ши от зако́нныя дре́вня работы́. / Сла́ва милосе́рдию Твоему́, Спа́се, / сла́ва Ца́рствию Твоему́, / сла́ва смотре́нию Твоему́, Еди́не Человеколю́бче.

Сла́ва, и ны́не, то́йже.

По 2-й стихоло́гии седа́лен, глас 5.

Подобен: Собе́значальное Сло́во:

В це́рковь прине́слся еси́ обы́чная исполня́я, / Творе́ц, и Влады́ка, и зако́на Да́тель, Спа́се, / и на рука́х Симео́на благоволе́нием Твои́м носите́ся плоти́ю, / И́же всем стра́шный и всю тварь содер-жа́й, / восхоте́л еси́, Еди́не Ще́дре, Свет Твой́ всем откры́ти нам.

Сла́ва, и ны́не, то́йже.

Кано́н пра́здника со ирмосо́м на 8 и ин кано́н свята́го, его́же краегра́несье: Вуко́ла вели́каго воспою́ сла́ву. Ио́сиф. Глас 6.

Песнь 1

Ирмо́с: Я́ко по су́ху, пешешество́вав Изра́иль, / по бе́дне стопáми, / гони́теля фарао́на / ви́дя пото́пяема, / Бо́гу, победную́ песнь по́йм, вопия́ше.

Божество́нными светлосты́ми и свяще́нными / и светно́сными сия́ньми просвеща́емь прísно, / мою́ озари́ ду́шу, све́тлый твой пра́здник, о́тче, чту́щаго.

Всесве́тлу тя звезду́ мы́сленное показáв Со́лнце, / светлосты́ми твои́х добродете́лей уясни́ землю́, / святи́телю Христо́в, Вуко́ле всему́дре.

Жити́е прísно освяще́нно, и чи́сто, и скве́рнам

несмѣсно показуя, / Христовъ священъ сосудъ, мудре,
позналъся еси на земли, / Вукѣле преславне.

Богородичен: *Иже Отцу Сый Единороден / паче
ума во чреве Твоемъ воплощься Боголѣпно, / чело-
вѣки обожїи, Чистая, за множество щедрѣтъ Пребла-
гїи.*

Ин. Песнь 3

Ирмос: *Нестъ святъ, / якоже Ты, Господи Бѣже
мой, / вознесїи рогъ вѣрныхъ Твоихъ, Блаже, / и
утвердивїи насъ на камени / исповѣдания Твоего.*

Сынъ дне и свѣта бывъ, святителю, / труды Божѣ-
ственными, вселїлся еси яве во свѣтлостехъ ныне
святыхъ, / благодатию сияя.

Проповѣдая Едино благочестно Троицы Суще-
ствѣ, / многобѣжнующую лествицу искоренилъ еси отъ земли,
яко святитель чистъ, / яко Слово истинный слу-
житель.

Путь показалъ еси жизни всемъ прельщеннымъ отъ
враговъ навета / и привелъ еси тѣя, яко пастырь
словесенъ, спасены, / Слово, Первопастырю.

Богородичен: *Пристанище буди ми и стражъ,
лѣтими тревоженїи страстей неослабно обуре-
ваему присно, / в мѣри, Чистая, житїя, / Едина
Приснодѣво.*

Седален святѣго, глас 4.

Подобен: Вознесїйся:

Священства свѣтомъ сияя, просветилъ еси люди,
святителю, / и идольскую тьму потребиши еси, /
зарю же исцеленийъ страстей мглоу разоривъ,
прешелъ еси къ незаходимому сиянїю, о насъ моля,
прилежно ты чтущихъ, / Вукѣле блаженне.

Слава, и ныне, праздника, глас тойже.

Подобен: Удивїся Иосифъ:

Младенствуещи мене ради, Вѣтхий дѣньми,
чищенїемъ приобщаешься, Чистѣйший Бѣже, / да
плоть увериши мене, юже отъ Дѣвы. / И симъ Симеонъ
поучаясь, позна Тя, Бѣга, явльшагося плотию, / и,
яко Жизнь, лобзаше и, радуясь, старчески взыва-
ше: / отпусти мене, Тебѣ бо видѣхъ, Живота всѣче-
скихъ.

**Аще есть постъ, Слава, и ныне, Богородичен; аще среда
или пятѣкъ, Крестобогородичен (писаны въ 17-й день).**

Ин. Песнь 4

Ирмос: Христос моя сила, / Бог и Господь, / честная Церковь, / Боголепно поёт, взываючи, / от смьсла чьста о Господе праздноючи.

Предвѣдаяй Бог твоея, Богоблаженне, души красоту и ума чистоту, / священнопроповѣдника мудра священно ты рукополагает.

От Духа просвещаемь, сущия во тьме прелести просвещаети / и Крещением сыны дне совершаеши, / святителю преславне.

Обрет ты, благодатию сияюща, славный Богослов, / руку возлагает Божественными вожденьми / и священника совершает священна, / Вуколе всемудре.

Богородичен: Разумно в купинѣ Тя Моисей узре, священнообразуему, / Огня, хотящаго бьти во утробѣ, / являет таинственно, Богородице Приснодево.

Ин. Песнь 5

Ирмос: Божиим светом Твоим, Блаже, / утренюющих Ти души любовью озари, молюся, / Тя ведети, Слове Божий, / истиннаго Бога, / от мрака греховнаго взывающа.

Святительскую священную одежду носив священно, / нечестивыя просветил еси, честный святителю, / Единицу Несозданную в Трех Лицах, Вуколе, проповѣдая.

От уст волка мысленнаго исхитил еси люди, / ученьми Богогласных твоих уст, / и еретичествующая незатворенная уста / твоими Богословии заградил еси, отче.

Мерзкий победися твоими священными словесы Маркион / и изринеся всякаго безмestia изрыгаяй тину злосрадну, / Вуколе славне.

Богородичен: Законы естества Иисус, Пресущественный Бог, обновляет, Всенепорочная, из Твоея утробы раждааяся, / Един, осуществовавший вся волею.

Ин. Песнь 6

Ирмос: Житейское море, / воздвигаемое зря / напастей бурю, / к тихому пристанищу Твоему притек, воию Ти: / возведи от тли живот мой, / Многомилостиве.

Возносящее смирение, чистоту ума, любовь нелицемерну, / веру и надежду имея чисту, Вукол славный / Троице явися жилище.

Вельми украсивша смиряном священное седалище, тя, прехвальне, / тайновожествует Дух, Сущаго по тебе пастыря Поликарпа, / рукою твою, Вуколе, совершаема.

Разумев звание твоё духом, премудре, / сущаго по тебе благодатию словесным овцам наставника приводиши к престолу, / добродетелей сиянием блистающа.

Богородичен: Дверь благодати, отверзшая человеку дверь Небесную, / покаяния двери ми пресветло отверзи, Владычице, / и от врат смертных свободи.

Кондак и икос праздника.

Ин. Песнь 7

Ирмос: Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: / благословен еси, Боже отец наших.

Вразумляя неразумных, исправляя же лестию поползшиися, / отче, спасл еси и Богу привел еси чисты, / Тому песнопойущия благочестно: / благословен еси, Боже отец наших.

Украсишася, всеблаженне, ланиты твои, воплощение проповедающия, / за неизреченное милосердие Возсиявшаго нам, / к Немуже вопиял еси прилежно: / благословен еси, Боже отец наших.

Обладав воздержанием телесе, страстьми, славно, / необладан лстываго явился еси прилогами / и ныне воспеваяши нелестно: / благословен еси, Боже отец наших.

Богородичен: Избавльшеся древняго осуждения Рождеством Твоим, Всенепорочная, / яко Владычицу воспеваем Тя, / спасшиися, Дево, Тебе ради, / вопиюще и глаголюще верно: / благословена, Яже Бога плотию рождающая.

Ин. Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся веки.

Процвёл еси, яко фíникс, во двóрех Бóжиих, /
дóлжным праведных сном уснул еси, / принóсит
же наслаждéние Божéственный твой гроб чúдо
зрящим, / Вукóле Богопроповéднице.

Бóжие Бог Слово Ипостáсное / священна святы-
теля тя поставляет, помазúющая лóди священно, /
святытелю наставниче смíрняном, / светíльниче
вселénныя.

Воплóщшагося Сло́ва Богослóвил еси и мно́ги от
безсловесия лóди спасл еси, / Божéствен быв
ученик возсиявшаго в Богослóвии, / Вукóле Бого-
но́се.

Богорóдичен: Священно научáшеся Твои́м та́ин-
ством проро́ков, Богорóдице, / Божéственное со-
сло́вие, / издалéча разумév и я́сно излагáя / Бого-
зна́мения Божéственного Рождества́ Твоегó.

Ин. Песнь 9

Ирмо́с: *Бóга / челове́ком невозмо́жно видети, / на
Него́же не сме́ют чíни Ангельстии взира́ти; /
Тобо́ю же, Всечы́стая, явй́ся челове́ком / Сло́во
воплóщено, / Егóже велича́юще, / с Небéсными
вои́ Тя ублажа́ем.*

Яко свет, яко заря́, яко вели́кое со́лнце, / яко
мо́лния, Христо́ву Цéрковь облистáл еси, / и вéр-
ных мýсли просвети́л еси, / и в невечéрных мéстех
вселíлся еси, / поя́ трисвяты́ми глáсы Трои́цу
несозда́нную.

Плóти и ми́ра вне быв священноде́йственне, ко
преми́рным, ра́дуясь, прешéл еси́ чино́м, / обожа́-
емь положéнием светлэйшим, / тэмже пáмать твою́
вéroю соверша́ем на земли́, / Вукóле всемúдре.

Земля́ тéло твоё блажéнное покрывáет, / я́ве
исцелéния точáщо и даровáния, / Не́бо же дух со
избрáнными нóсит íже от вéка, / Божéственными
сия́ньми украшен вой́стинну, Вукóле сла́вне.

Богорóдичен: Глáсом А́нгеловым / вели́каго со-
вёта А́нгела, Чы́стая, Христа́ Емману́ила породила́
еси́, / ко А́нгелом до́льные совокупля́ющая, / Еди́на
Благословéнная, Еди́на Всепéтая, / Еди́на винóвна
нашего, Дéво, обожéния.

**Светíлен прáздника.
Сла́ва, и ны́не, тойже.**

На стиховне стихиры, глас 2.

Подобен: Дóме Евфрафов:

Днесь Спаситель / яко Младенец принесен
бысть / в церковь Господню, / и руками
престарелыми / старец Того подымлет.

Стих: Ныне отпускаеши раба Твоего, Владыко, /
по глаголу Твоему, с миром.

Младенец плотию, / Ветхий деньми, / видим есть
преславно / во днешний день / и в церковь прино-
сится.

Стих: Свет во откровение языков / и славу людей
Твоих Израиля.

Приими, о Симеоне, / — Всечистая вопиаше, — /
во объятия яко Младенца / Господа Славы / и мира
спасение.

Слава, и ныне, глас и подобен тойже:

Велие и страшное таинство / и странное смотре-
ния, / Иже вся объемля / и младенцы созидавая, / яко
Младенец на руках носится.

**Преподобный Вукол, епископ
Смирнский**, с детства отличался не-
злобностью и целомудрием. Он был
учеником святого апостола и Еванге-
листа Иоанна Богослова, поставив-
шего его первым епископом Смирн-
ской Церкви (Малая Азия).

С помощью Божией святитель Ву-
кол обратился ко Христу и крестил
множество язычников. Как опытный
и мудрый наставник, он защищал

свою паству от видимых и невиди-
мых врагов. Скончался святитель
Вукол около 100—105 года. Свою
паству он передал святому священно-
мученику Поликарпу Смирнскому
(память 23 февраля), знаменитому
мужу апостольскому, который также
был учеником святого апостола Иоан-
на Богослова. У гроба святителя
Вукола выросло миртовое дерево,
которое исцеляло больных.



**Празднование Пресвятѣй Богородице,
иконы рѣди Ея Елецкiя,
яже во Хѣрькове граде**

**На Господи, воззвах: стихиры праздника 3,
и Богородицы на 5, глас 2:**



рѣвле Моисѣю в купинѣ нестарѣемей / та-
инство Приснодѣвы явлѣнное / и сего па-
стыря избранным людем гласом Божиим
нарѣкшее, / днесъ в Россiйстей стране
монахов начальнику / паки в подобии является: /
той бо зрѣт Матерь Божию, / во огнѣ на дрѣве
возсѣдшую / и Предвѣчнаго Младѣнца на руку
держѣщую, / и подающую мiрови мир / и душам
нашим вѣлию милость.

Воистину блажѣни суть изгнѣннии правды ра-
ди: / тако бо Моисей угоден Богу в землѣ изгнания
своего явился, / ему же быв подражатель Антонiй
преподобный, / от князя неправедно гонимый, /
иже, к пределом Черниговским пришѣд, / видѣния
Богородицы в огненной купинѣ сподобися, / и сие
на дщѣце написати повелѣв, / наше упование на
Матерь Божию умножает / и научает от Тоя
просити мiрови мiра / и душам нашим вѣлия
милости.

Вѣмы, о Владычице Преплагая, / яко рабом
Божиим Помощница неустѣнная являешися / и тем
ревность их о Бозе укрепляеши, / обаче и нас,
таковыя ревности не имущих, / и точию грехами
богатѣющих, / не отрини от Твоего заступлѣния, /
но покаяние наше примѣ / и, сие к Престолу Сына
Твоего вознесши, / сердца наша утешѣния испол-
ни, / и ниспосли душам нашим мир и вѣлию
милость.

Приидите, христоименити людие, / чудотвор-
ному образу Божия Матери поклонимся / и видѣ-
нием Ея умилимся, / како, во огнѣ неврежденно
пребываючи, / Огнь Божества на руку Своєю
носит. / Блажѣни очи, видевшия сие чудо, / блажѣ-

ни есмь и мы, о сем предание верное приимше. / О Владычице, не остави род наш / и Твое предстательство всегда являй нам, / подаючи душам нашим мир и велию милость.

Слава, глас 8:

Огнь купины Моисеовы неизсушивый, / ниже отроки в печи Вавилонстей опаливый, / аще и предивное явися чудо, / но паче сего Огнь Божества, в Тя вселивыйся / и утробы Твоея не опаливый, / ужасное открывает людям таинство. / О, како невместимаго Небесы понесла еси, / како на руку Того прияла еси, / на Негоже Херувимы взирати не смеют? / Мы же, со страхом на Твой взирающе образ, / упованием на милосердие Твое души своя ободряем / и Архангельский глас с любовью Тебе возносим: / радуйся, Благодатная, Господь с Тобою.

И ныне, праздника.

Вход и чтения три: (зри страницы 176—178).

На литий стихира храма

или праздника Сретения и сия, глас 3:

Днесь во храме Владычицы, вернии, сошедшися / и души своя памяти чудес Ея умиляюще, / ревнители добрым делом быти потщимся. / Весть бо Пречистая таковым утешение подавати / и пострадавшия правды ради заступати, / сего бо ради преподобному Антонию на древе явися, / егда во изгнании сый молитву возношаше. / С ним же и мы Владычице возопийм: / да будет милость Твоя с нами, / о Дево Пренепорочная.

На стиховне стихиры, глас 2.

Подобен: Дому Евфрафов:

Ужасеся преподобный Антоний, / во изгнании пребывая, / егда на еловом древе / узре Матерь Божию, / Младенца Предвечнаго на руку носящую.

Стих: Помяну имя Твое / во всяком роде и роде.

Разумев Богоматере видение / Христов изгнанник преподобный Антоний Печерский, / абие ко иконописцу спешает / и видения бывшего ему подобие / написати тому повелевает.

Стих: Слыши, Дщи, и виждь, / и приклони ухо Твое.

Рáдуйтеся, лю́дие, и веселíteся, / образ сегó видéния днесь зря́ще, / не оскудé бо и поны́не, / и нико́лиже оскудéти мо́жет / Пресвятыя Богорóдицы заступлéние.

Слáва, глас 6:

Якоже преподóбному Антóнию / печáли разрешéние обетовáла еси Твоим видéнием, Пречы́стая, / и любóвь держáвствующаго к томú паки обратíла еси, / тáко и нам благодáтный мир от Сы́на Твоегó низпослí / и всякия раздóры от ста́да Твоегó отженí, / любóвь же Христóву среди́ нас Твоею́ молíтвою утвердí / и дáруй нам прэ́жде концá покая́ние.

И ны́не, праздника.

Тропа́рь, глас 6:

Твоегó милосéрдия даровáния воспомина́юще, Влады́чице, / и Твой чудотво́рный о́браз благоговéйно лобыза́юще, / упованíем же Твоея́ по́мощи сердца́ наша веселя́ще, / áки среди́ нас пребыва́ющую Тя помышля́ем / и véрою Тебе вопи́ем: / Твоегó моли́ Сы́на и Го́спода, / да научíт нас за́поведи Его́ всегда́ творíти / и злы́я искуше́ния побежда́ти, / и Тебе, Предста́тельница нашу, / досто́йно пéти и сла́вити во веки.

Два́жды, и прáздника:

Рáдуйся, Благодáтная Богорóдице Дéво:

НА УТРЕНИ

По Бог Господь: тропáрь прáздника два́жды.

Слáва, и ны́не, Богорóдицы.

По 1-й кафíзме седа́лен, глас 7:

Се íмамы, братие, сокро́вище вéлие, / чудотво́рный Пречы́стыя лик, / повелéнием преподóбнаго Антóния написанный, / и тáко причáстницы видéния угóдника я́вльшеся, / тогó véре и терпéнию научíмся / и Мáтерь Бóжию досто́йно почитáти потщíмся.

Слáва, и ны́не, прáздника.

По 2-й кафíзме седа́лен, глас 6:

Не уны́вайте убо, о братие, / аще прáвды рáди гонéние претерпíte, / таковы́х бо утешáет Дéва Чы́стая, / я́ко Самá со Христóм от Йрода в изгна́нии пребыв́шая. / Сегó рáди и мы всякую́ скорбь

ра́достно претерпѣм / и то́чию терпѣния дар не-
преста́нно просѣти потщѣмся.

Сла́ва, и ны́не, пра́здника.

По полиелеѣи седа́лен, глас 3:

Богоро́дице, изгна́нных Уте́шительнице, / нагѣх
и си́рых Засту́пнице, / болящих исцелѣние и не-
мощных покрове, / нашего не посра́ми упова́ния, /
но просящих Твоея по́мощи пред чудотво́рным
обра́зом укрепи́ / и земну́ю жизнь нашу умири́, /
па́че же Небе́снаго Ца́рствия предста́тельством
Твоим раба́ Твоя сподо́би.

Прокѣмен и Ева́нгелие Богоро́дичны.

По 50-м псалме́ стихѣра, глас 2:

Днесь чудеса́ от Еле́цкия ико́ны Влады́чицы
вспомина́ются, / днесь от То́я исцелѣннии благо-
дарѣние прино́сят, / днесь во храм Ея благове́рнии
лю́дие стека́ются, / си́лы Небе́сныя о заступлѣнии
Пречи́стыя ра́дуются, / и преподо́бный Анто́ний с
ними на Небеси́ ликовству́ет, / мы же непрестанно
вопи́ем: / ра́дуйся, Предста́тельнице наша, / и на-
ших скверн не возгнуша́вшись, / моли́твою Твоею
ду́ши на́ша просвети́ / и ра́дости благодатныя
исполни.

**Кано́н праздника со ирмосом на 6. Кано́н
Богородице, глас 2, егоже краегра́нѣсие: Ра́дуйся,
Благодатная, Господь с Тобо́ю. Аминь.**

Песнь 1

Ирмо́с: Грядѣте, лю́дие, / поѣм песнь Христу
Бо́гу, / раздѣльшему мо́ре и наста́вльшему лю́ди, /
яже изведе́ из рабо́ты егѣпетския, / яко просла́-
вися.

Ра́дуйся, Богоро́дице Всепѣтая! восклицаем ве́р-
нии, / на чудотво́рную Твою ико́ну взира́юще, / яже
ра́дость пер́вее преподо́бному Анто́нию Пече́рско-
му видѣнием Твоим дарова́ла еси́, / и поны́не
подобием видѣния того, на дщи́це написанном, /
всем моля́щимся радость пода́еши, / молѣния их
благостно приѣмлющи.

Анто́ний преподо́бный во изгна́нии неправед-
нем томѣяся, / видѣнием же Богоро́дицы соверше́н-
ное приѣмый утеше́ние, / сие на дщи́це написати
повелева́ет и, во святу́ю ла́вру возвра́щаяся,
икону Ея оби́тели Черни́говской вруча́ет, / яже и

до днесь во граде Хáрькове от всех со благоговéнием зрѣтся / и чудеса́ исцелéний источáет.

Дрѣвле злым татáром, на град Чернѣгов нашédшим, / икóна Мáтери Бóжия чудэсне в стенé сокрывáется / и, многим лéтом прошédшим, / пáки христиáном на поклонéние открывáется. / Зрѣте убо, о лóдие, Богомáтере великую сѣлу, / Ей же не возмогут невѣрнии противостáти.

У гóдника Твоего, Влады́чице, видéнием утéшила еси, / нас же, грéшных, не лишѣ Твоего заступлéния, / аще и недостóйни сегó явля́емся: / покая́ние бо тéплое пред святы́нею Твоею возно́сѣще, аки женá хананéйская, / неотстúпно Твоя про́сим пóмощи.

Катав́asia: *Сúшу глубородѣтельную, зéмлю:*

Песнь 3

Ирмо́с: *На ка́мени мя вѣры утвердѣв, / разширѣл еси́ уста́ моя на врагѣ́ моя, / возвесели́бося дух мой, внегда́ пѣти: / нѣсть свят, якоже Бог наш, / и нѣсть праведен, пáче Тебе, Гóсподи.*

Инии, Правослáвныя веры вразѣ́ / на предѣлы Чернѣговския чрез мно́го лет нашédше, / подвиго́ша воевóду града того икону Еле́цкую с собо́ю во царствую́щий град по́йти, / прѣдану бѣвшу Чернѣговскому предѣлу язýку чуждému.

Сия́ беды́, о Влады́чице, род наш избáви, / да святы́ня Твоя во граде Хáрькове утвердѣвшися, / в том непоколéблена пребу́дет во веки / и сердца́ наша умилéнием исполня́ти не престáнет.

Яже в ро́де воевóды тогó яко сто лет икóна Влады́чицы пребѣвши, / завещáнием вну́ка его в собóрную церковь града Хáрькова поставл́ается / и отто́ле молѣтвы людей Бóжиих / сию, áки крыла́ Херувѣмов, прѣсно окружа́ют.

Богороди́це Пречѣ́стая, / аще и многогрéшни суть лóдие, / в Твой святы́й храм притека́ющии, / но якоже Сын Твой спасéния ра́ди грешник от Небéс к нам пришéл есть, / та́ко и Ты от Небéсных кругóв на молéния наша прѣзри / и прошений людей Твоих не прѣзри, Всепѣ́тая.

Конда́к праздника, глас 1: *Утробу Девѣ́чу: и и́кос (зри страницу 32).*

Таже седален, глас 8:

Войистину близ есть Господь сокрушенным сердцем, / войистину смиренный духом Всеблагий Твой, о Владычице, Сын спасает, / понеже аще и единому Антонию угоднику видение Твое явити сподоби, / но того подобием и до днесь раби Твои упования на Бога исполняются, / и утверждение в Православной вере обретают, / и о правде ревности озаряются.

Слава, и ныне, праздника.

Песнь 4

Ирмос: Пришел еси от Девы не ходатай, ни Ангел, / но Сам, Господи, воплощся, / и спас еси всего мя человека. / Тем зову Ти: слава силе Твоей, Господи.

Людие Божии, милости от Матере Господней приемлющи, / души своя похвалами Пречистей насыщают, / но насытити не могут, радуясь, Благодатная, паки к Ней взывают / и, тако творяще, искушения греховная от себе отгоняют.

Аще и премного укрепися на христианы диавол, / овогда убо враги на ня посылаяй, / овогда же обычаи растленные посреде нас разсевааяй, / но мы на Твое заступление, Владычице, уповаяще, / сего дерзости противлятися не престанем.

Горе вам, злочестивии, / от почитания Матере Божия и от Церкви Христовой отпадшии еретичи, / себе бо самех сия радости лишили есте, / еже Пречистую Богоматерь прославляти / и тем сердца своя умилением исполняти. / Покайтесь убо и к нашему лику сопричтитеся.

Оле еретиков безумия, / от святого Евангелия научитися не хотящих, / како Христос первое чудо милосердия Своего / предстательством Матере Своея яви, / верныя же научи, / да моления своя к Ней несомненною верою возносят.

Песнь 5

Ирмос: Угль Исаяи проявлейся, / Солнце из девственных утробы возсия во тьме заблуждшим, / Богоразумия просвещение даруя.

Да утверждается Православная вера / умножением исцелений от Твоей чудотворныя иконы, о Владычице, бываемых, / да прославляется в людех

Твое предстательство, / паче же над страстьми победоу увенчай / наша zde возносимыя Тебе молитвы.

Аще и не вскоре услышана будет молитва ваша, братие, / якоже Пávла об отступлении сатанина́ ангела молившагося, / но сию долготерпеливно повторяюще, сие восклицайте: / О Владычице, / грешнаго раба Твоего не возгнушайся, / но отпущение грехов мне у Сына Твоего испроси.

Твоей чудотворней иконе, Пречистая, поклоняясь, / и сию благоговейно лобызая, / о своих же грехопадениях ужасаясь, сие реку: / аще подобает мне их ради скорби приимати, / негли терпения дар молитвою Твоею мне ниспосли.

На сие убо, о братие, скорбями испытуются души наша, / да не гордыне житейстей, ни жестосердию поработимся, / но да смиреномудрию преподобнаго Антония подражающе, / утешения от Матере Божия, / яко радости всех скорбящих да исполнимся.

Песнь 6

Ирмос: *Во глубине греховней содержимь есмь, Спасе, / и в пучине житейстей обуреваемь: / но якоже Иону от зверя, / и мене от страстей возведи и спаси мя.*

Аз недостойный ни благим делом, / ниже терпению навыков, окаянный, / увы мне и молитва моя не исправися по достоянию пред Тобою, / но, Владычице, / Твоея милости бездна мое да покрывает немощие / и благодатнаго покаяния дар да ниспослет ми.

Языки ангельскими и человеческими аще бы возмог аз глаголати, / но и тогда Твоих щедрот множества, / праведным и грешным человеком дарованнаго, воспети несть возможно: / душам бо и телесем здравие подаеши, Благая, / и кающихся милуеши тепле.

Господи, Господи, / се милосердия Твою бездну в том познахом, / яко не точию род человеческий от клятвы законныя искупил еси, / но и Предстательницу теплую тому даровал еси, / Твою Пречистую Матерь, / Ей же днесь благодарное приносим поклонение.

Оному поклонению да приобщатся языцы, /
Твоего Сына до днесь не уведевшии, / или от
молитвы, яже к Тебе, отпадшии, / да всем челове-
ком уверовавшим Твоя ниспосылается благодат-
ная помощь.

Кондак, глас 5:

На неувядаемом древе угóднику явившиися, /
Твое же предстательство всем молящимся
присно являючи, Владычице, / и нашего не отвра-
ти смиренного моления, / но прегрешений наших
прошения испроси / и, скорби душ наших отъем-
ши, / благодарственное наше прими поклонение,
/ да любовь Тя во веки славим, Всепетая.

Икос:

Якоже древле видением Пресвятыя Богородицы
прият утешение преподобный Антоний / и от
горькаго изгнания паки во святую лавру свою
радостно вселися, / тако и образ Владычицы, сего
видения память являй, / от татарскаго пленения
волею Ея спасен бысть. / Днесь же в великом граде
Харькове посреде соборныя церкви водружен-
ный, / силу молитв Божия Матере исцеленными
многими свидетельствует, / к Ней же возопиим: / О
Всеблагая, / изгнанных и скорбящих Заступнице, /
прошения наша во благих исполни, / да любовь
Тя во веки славим, Всепетая.

Песнь 7

Ирмос: *Да преславное рождество Твое, Христэ,
еже от Девы / прообразиши яве, неопалимы в пещи
отроки сохранил еси, / песньми поющия Тебе: /
отцев Боже, благословен еси.*

Се, прииде, Владычице, время Твоего о верных
заступления, / зане отсюду от врагов благочестия
тесными бывають, / таже и от демонских искушений
зле обуреваются, / угóдника же Твоего Антония
крепости не имуща, / озарений свыше недостойни
являются. / Имиже убо веши судьбами, / помощь
Божью нам испросити потщися.

Помощи Богородицы Пречистойя, о братие, мно-
зи свидетелие zde обретаются, / нашему же нераде-
нию обличителие, / тем же чудотворней иконе
Владычицы предстояще, / к покаянию теплому
устремим душ наших шествие.

Огнь Небѣснаго свѣта объѣмлет Тя, Богородице, / в видѣнии Антонію Печѣрскому явльшуюся, / аз же себе огню геѣнскому грехми своими предуготовах, / но в скорби души мояя вопію Ти: / помилуй мя, Пречістая, / и покаянню тѣплому научи мя, о мне милосѣрдовавши.

Деломъ благимъ ревнителя покажи мя, Пречістая, / гневъ на страсти греховныя вложивши въ мою душу, / да тыя возненавидев, ближнія же своя возлюбив, / стезямъ Господнимъ последую неуклонно.

Святославъ, Чернигова князь, / на мѣсте явленія Владычицы цѣрковь благолѣпную создати потщася / и икону Пречістыя, от преподобнаго Антонія устроѣнную, тамо постави, / ей же во градъ Харьковъ днесь пренесенней, предстояще молимся, / да и нас храмы Сына Своего бѣити устроит.

Песнь 8

Ирмосъ: *В купинѣ Моисѣю Дѣвы чудо, / на Синаѣстей горѣ, прообразившаго иногда, / пойте, благословите / и превозносите во вся веки.*

Триѣ отроцы, во огни неопальны пребываяюще, / Богородицы прообразиша таинство, / яко Огнь Божества во чреве понесшей, / ныне же Самая во огни на зеленѣющемъ дрѣве святому явльшиися, / в долготерпѣнии того и темъ нас утверждаетъ.

Отѣчество наше, Владычице, / паче всехъ странъ земли чудотворными иконами Твоими просветила еси, / яже, аки звѣзды небесныя, ночьъ земнаго житія нашего освещаютъ / и по пути правому ходити нас научаютъ.

Блажѣни есмь воистину Предстательницу Тя, Владычице, имуще, / но въщшему осужденію повинни будемъ, / аще, о толицемъ спасеніи Божиемъ небрегше, / житія нашего исправити не потщимся.

Онаго наша о святѣне сей радости виновника, / князя Даниїла Бярятинскаго, / дрѣвлему же Святославу правнука, / иже икону Владычицы от дѣда приѣмъ, / сию предъ кончиною своею зде храму съ молитвою впадѣ, / Господи, душу упокой, / намъ же пребываніе святѣни сия сотвори на пользу.

Юноши въ Вавилонстей пещи спасый, Господи, /

А́нгелом во огнь соше́дшим, / нас моли́твами Ма́тере Твоея от огня́ страсте́й свободи́, пою́щих: / благослове́н еси в хра́ме сла́вы Твоея, Го́споди.

Песнь 9

Ирмос: *От земноро́дных кто слы́ша таково́е / или кто ви́де когда, / яко Дева обрете́ся во чре́ве иму́щая / и безболе́зненно Младенца поро́ждшая; / таково́е Твое чудо и Тя, Чи́стая Богоро́дице, велича́ем.*

А́нгели Твоему́, Богоро́дице, заступле́нию о нас ра́дуются, / бе́си же Твои́ми моли́твами далече от нас отгоня́ются, / аз же еда́ глух се́рдцем пребу́ду, Твоей покланя́йся святы́не; / сего́ да не бу́дет, / но умиле́нием душа́ моя да раство́рится.

Мно́жеству людей, се́мо притека́ющему, / многия дарова́ния от чудотво́рных иконы Бо́жия Ма́тере подаю́тся, / от них же лу́чшее есть, е́же в чу́вство пока́яния себе приве́сти / и на дея́ния благая́ устреми́ться. / В сем у́бо по́мощь Твою яви́ мне, Пречи́стая.

Искупи́л ны есть Госпо́дь наш, Твой же, Богоро́дице, Сын от вла́сти диа́вола, / Твоя же моли́тва нападе́ния сего врага́ на́шего отго́нит, / у́бо и ны́не о душа́х наших предста́тельствуй, / да приближе́ния святы́ни Твоея́ досто́йны яви́мся.

Ни́ктоже возмо́жет досто́йно Ма́терь Го́спода на́шего просла́вити, / но мы слеза́ми те́плыми ску́дость словес на́ших воспóлим, / красоте́ добродетелей Влады́чицы на́шей дивя́щися, / и тако́ Сию досто́йно возвели́чим.

Свети́лен.

Подобен: Ду́хом во святы́лици:

Дре́вле Моисе́ю на горе́ Хоривстей, / по́слежде на Бо́лдинских гора́х Присноде́вы та́инство пра́ведным яви́ся / и о сем память ико́ною Благода́тной лю́дем дарова́ся, / Ей же покланя́ющися, ве́рою чу́до воспева́ем.

Сла́ва, и ны́не, пра́здника.

**На хвалитех стихи́ры пра́здника 3
и настоя́щия 3, глас 6.**

Подобен: Все отло́жше:

Сокро́вище неоце́нимое, / Влады́чицы чудотво́рный о́браз, / два́жды от человек надóлзе сокры́т, / в

нашем граде посреде церкви от лет многих возсия, / темже подножию сего поклоняющися, сиче рцем: / О Владычице, / присно да хранится zde сия святыня / и в душах наших ревностию о спасении да отпечатлевается, / во еже благодарне воспевати Твоя благодеяния.

Егда Божественнаго Младенца Твоего на руку Своею носила еси, Владычице, / тогда волхвов поклоняющихся словеса / и пастырей исповедание в сердца Твоем слагала еси, / мы же Твоих чудес и видений память / в сердцах своих непрестанно носить будем, / Твоему же Сыну, молящися, глаголати: / о Владыко, Твоя Матере о нас молитву приими, / и дар благодати Твоя ниспосли нам, / да и мы Тебе приснии явимся покайнием, / якоже блаторазумный разбойник, возопивый: / помяни мя, Господи, во Царствии Твоем.

Законы естества побеждены быша, / егда Непорочная Дева во чреве зачат, / но о сем чудеса в житии Тоя не скончашася, / зане и с плотию на Небо, по кончине жизни Своея, принесеса / и паки с Небес молящимся чудесную посылает помощь, / паче же и Сама праведным в видениях является, / мы же, от обою свидетельство / в святей иконе сей зряще, радуемся / и пред нею благодарныя слезы проливаем.

Слава, глас 2:

Днесь на Небеси предстоит Пречистая Дева, / и непрестающее моление о людех возносит, / днесь Тоя видение, праведнику бывшее, воспоминается, / и милосердие Ея прославляется, / силы Небесныя радуются, / мы же пред Тоя иконою умиленныя возносим молитвы, глаголюще: / огонь Твоя святыни да осветит души наша / и путь к Небесному Царствию певцем Твоим да покажет, Пречистая.

И ныне, праздника.

Славословие великое.

По трисвятом тропарь Богородице.

**Слава, и ныне, праздника,
таже ектений и отпуст.**

НА ЛИТУРГИИ

Служба праздника и Богородицы.

Аще случится празднование Божией Матери иконы **ЗРИ** ради Ея Елецкия вне попразднства Сретеня Господня, то ставим на Господи, воззвах: стихир 8, повторяюще я. Слава, и ныне, Огнь купины: такожде и яже в стиховных и в хвалитных стихира на славу zde писася, поется тогда на Слава, и ныне: седальны же поются единожды, Слава, и ныне: вторицею, тропарь же на вечерни трижды. На утрени по Бог Господь: дважды, Слава, и ныне, третицею. Канон же поем на 8, ирмос второго гласа дважды, катавасия: Отверзу уста моя: По великом славословии тропарь Богородице единожды. Аще ли случится сей праздник в неделю мытареву или иную, аще ли в субботу мясопустную, или сыропустную, или во дни седмицы сырныя, или первыя седмицы святыя Четырдесятницы, то зри устав о храмах от главы 25-я до главы 32-я.

Молитва

Премилосердая наша Заступнице, и душ наших благая Хранительнице, и телес наших милосердая Целительнице, Богородице Дево! Вемы, яко недостойни есмы, не точию Твоих дарований причастницы быти, но и очей своих на чудотворный Твой образ возвестить, зане души наша грехов исполнены суть и очи завистными и блудными возреними осквернены суть. Обаче Твое сострадание человеком, в нуждах и скорбех пребывающим, воспоминающе, им же Твоего Божественнаго Сына на первое чудо в Кане Галилейстей преклонила еси, и даже до днесь Того праведный гнев от грешников отвращаеши, паки и паки на мольбу Тебе, пред чудотворным Твоим образом, подвигаемся и со смиренным упованием Тебе просим: испроси грехом нашим прощение, от пагубных страстей исцеление, от нечувствия и от сна духовнаго пробуждение и о добродетелех христианских ревность. Сими убо дарованиями души наша украсивши, избави нас от горестей, в уныние некрепкая сердца наша повергающих, исцели болезни молящихся и о нихже молитву тии приносят, от напрасныя смерти жизнь нашу сохрани и сию христианскою кончиною во время подобно увенчати сподоби. Но и земное наше пребывание от взаимныя злобы и зависти оградь,

и в любви Христовой сие препровождати нам помози. Церковь Сына Твоего во всей вселенной умножи и утверди, еретиком обращение ко истине испроси, языком же неверным веры истинное познание. Такожде и одоление на враги и супостаты даруй, и всех нас научи, якоже во дни веселия, тако и во дни печали Тебе прославляти и о всех Сына Твоего благодарити, житие свое в Его святую волю вручати со упованием вѣчнаго спасения ожидаи, да и тамо прославим Его пресвятое Имя и Твое милосердное предстательство во веки веков. Аминь.

Елецкая-Черниговская икона Божией Матери явилась на ели близ Чернигова в 1060 году, при Черниговском князе Святославе Ярославиче, как было записано в синодике епископа Черниговского Зосимы Прокоповича (1655—1657). Икона была поставлена в церковь, основанную в честь Елецкой иконы Божией Матери. Преподобный Антоний (+1073; память 10 июля), подвизавшийся на Болдиной горе в 1068—1069 годах, благословил основать здесь монастырь. В 1238 году монастырь был разрушен татарами, но икона сохранилась внутри монастырской стены.

В 1470 году Киевский князь Симеон Олелькович восстановил обитель, и икону вновь поставили в храме.

Дальнейшая судьба иконы неясна. По одному преданию, потомок Черниговских князей Бярятинский увез икону в Москву в 1579 году, когда Чернигов перешел к польскому королю Стефану Баторию. В 1687 году окольный князь Даниил Бярятинский, возвращаясь из похода в Крым,

в Харькове сильно заболел и перед смертью передал бывшую при нем в походе Елецкую икону в Харьковский Успенский собор.

По другому преданию, икона исчезла из обители при ее разорении в XVII в. польскими войсками Сигизмунда III.

В 1676 году князь Константин Острожский пожертвовал в Елецкую обитель список Елецкой иконы Божией Матери, привезенный из Владимира братьями Козелами.

Архимандрит Иоанникий (Голятовский) возобновил тогда монастырь и описал многочисленные чудеса от этой иконы в книге «Скарбница» («Сокровищница»), изданной в 1676 году в Новгороде Северском.

Известна и еще одна Елецкая икона Божией Матери, также явившаяся в 1060 году. Свое название она получила от того, что находилась в городе Ельце в соборной церкви в честь Смоленской иконы Божией Матери. Празднество той иконе положено 11 января.

